

Lupin 2014 Auyami Uyarakhiurvinga Naunaiyainiq

Lupin Uyarakhiurvinga (LMI) pipkaitjutiyukhaq malruuknik 15niklu inuknik ihivriuktukhanik ihuarhaqtukhaniklu ikikliyuumiutigiami avatiliriniqmut qayangnautinganik. Akhuurutaulluaqtut ihivriiullaqtakhat hapkuninnga:

- Qun'ngiaqluni ihivriuktukhaq uyarakhiuqviup qanuritaakhaanik igluqpingillu naunaiyariamikni qayangnaqninnga kiulugillu ihumaaluutjutigiayuyullu;
- Ihivriuqlugit akun'ngani natinganit aktikkulaangalu imaup akhagarninngalu ilakunginnit uyarakhiurvikmit hiamitiqtailininnganit;
- Imanganik uuktuutigilugu halummaqniqlu (kuvipkainiittumik);
- Ihuarhailunilu uyarakhiurvikmut munarigiami ilanganik naunaittunik angmaumaniq piyut maligaliriniqmut akiliuhiarutikhanullu pitquyautingit; unalu
- Nunamik ihivriuqniq

Ihivriuqlugit ihuarhaqlunilu, ungahiktumit nayuganganit Nappaqtaaqturnik nayugarvikhat ittunik kukiivik atuqtauniaqtuq. Hapkuat ungahiktut nayugarvilluanganit, piiyaqtaa ihariagiyanganik pipkaitjutigiami nutaamik nayugakhamut aulapkaitjutikhamikniq piyuniklu ayurhautinik pitillugu una akuniraalungittumik havaaq.

Imaq nayugamut inuknullu aaniaqtailitjutikhanganik aaniqtailitjutikhanganullu ikayuriami qaffiuyunut inuknut agyaqtauniaqtuq akhaluutikkut Tahiryuamit imaqarvikmut ittuq haniani nayuganganit Nappaqtaaqturnitlu nayugakhani. Imaq atuqtakhaq malruuknut 15nut inuknut mikkauniaqtuq atuqtauhimayumit imaqutinga ittuq 200 litres atauhiqmut inukmut atauhiqmi ublungani. Imaqarninnga imaqtarvinganit munariyauniaqtuq taimaa naunairiami ittuq avatqumahimaittumik 50 m³/ubluq atauhiqmi kiklikhanga piyakhaq laisiittumik.

Quuyaqturvingit iliurainiaqtaat anaqtautimut iliuraqhimayuq akhaluaqtumit agyaqtaaqtumik. Ihariagiyaukpat, tamna agyaqtauniaqtuq kuvivikminganut, nunamulluuniit algakhimayuq atuqtaunginnarialik kuvivikhamik aatjikutauyuq nuuttaaqutut nayugakhat atuqtauyut ukiumi apqutiliuqtillugit.

Iqqakungit katitiqtauniaqtut agyaqtaulutik Yalunaimut. Ikualaaqtaaqutut iqqakut ikualaanginnarialgit ikikliyuumiutigiami huratjanik talvunngaunnaittumik taimaa havaktut innahuat uyarakhiurvikmi akuniraalukmik. Uqittuttauq akhaluutit unalu Kubota atuqtauniaqtut agyariami havaktunik milvikmut milvikmitluuniit uyarakhiurvinganulluuniit.